

### ԱՐՁԱՆԱԳՐՈՒԹՅՈՒՆ N 3

Դատական դեպարտամենտի կարիքների համար ՀՀ զինանշանների, դրոշների և հեռախոսային սարքերի ձեռքբերման նպատակով կազմակերպված «ԴԴ-ԷԱՃԱՊՁԲ-23/05» ծածկագրով գնման ընթացակարգի գնահատող հանձնաժողովի նիստի

ք. Երևան

«27» փետրվարի 2023թ.  
Ժամը՝ 11:30

Մասնակցում էին՝

*հանձնաժողովի նախագահ՝*

**Արթուր Ասատրյան՝** Դատական դեպարտամենտի նյութատեխնիկական ապահովման և գնումների համակարգման վարչության պետի ժամանակավոր պաշտոնակատար

*հանձնաժողովի անդամներ՝*

**Նորայր Աղամալյան՝** Դատական դեպարտամենտի նյութատեխնիկական ապահովման և գնումների համակարգման վարչության Նյութատեխնիկական ապահովման բաժնի պետի ժամանակավոր պաշտոնակատար

**Տիգրան Զեյնալյան՝** Դատական դեպարտամենտի նյութատեխնիկական ապահովման և գնումների համակարգման վարչության Նյութատեխնիկական ապահովման բաժնի գլխավոր մասնագետի ժամանակավոր պաշտոնակատար

**Անդրանիկ Աբգարյան՝** Դատական դեպարտամենտի նյութատեխնիկական ապահովման և գնումների համակարգման վարչության Նյութատեխնիկական ապահովման բաժնի առաջատար մասնագետի ժամանակավոր պաշտոնակատար

**Վարդան Կարապետյան՝** Դատական դեպարտամենտի նյութատեխնիկական ապահովման և գնումների համակարգման վարչության Նյութատեխնիկական ապահովման բաժնի ճարտարագետ – շինարար

*հանձնաժողովի քարտուղար՝*

**Գայանե Դադիվանյան՝** Դատական դեպարտամենտի նյութատեխնիկական ապահովման և գնումների համակարգման վարչության Գնումների համակարգման բաժնի առաջատար մասնագետի ժամանակավոր պաշտոնակատար

**1. Տվյալներ՝ առաջին տեղը զբաղեցրած մասնակիցների կողմից ներկայացված հայտերում հրավերով պահանջվող փաստաթղթերի առկայության, ինչպես նաև [eauction.armeps.am](http://eauction.armeps.am) համակարգում (այսուհետ՝ Համակարգ) առաջարկվող ապրանքների ամբողջական նկարագրերի մուտքագրման (լրացման) մասին.**

1.1. Մայ Մարկետ ՍՊԸ-ի, Ն և Ռուֆ ՍՊԸ-ի, Շուշան Տեխնիկա ՍՊԸ-ի կողմից ներկայացված հայտերում առկա են հրավերով պահանջվող փաստաթղթերը, ինչպես նաև Համակարգում մուտքագրված (լրացված) են առաջարկվող ապրանքների ամբողջական նկարագրերը:

1.2. ԱՄՈՒՐ ԳՍՄ ՍՊԸ-ի կողմից ներկայացված հայտում առկա է էլեկտրոնային աճուրդին մասնակցելու դիմում հայտարարությունը (Հավելված N 1), ինչպես նաև Համակարգում մուտքագրված (լրացված) է առաջարկվող ապրանքի ամբողջական նկարագիրը:

ԱՄՈՒՐ ԳՍՄ ՍՊԸ-ի կողմից ներկայացված հայտում բացակայում է ԱՄՈՒՐ ԳՍՄ ՍՊԸ-ի իրական շահառուների վերաբերյալ հայտարարագիրը (Հավելված N 1.2 կամ Հավելված N 1.3):

«ԴԴ-ԷԱՃԱՊՁԲ-23/05» ծածկագրով գնման ընթացակարգին մասնակցության հայտ է ներկայացրել ԱՄՈՒԻ ԳՍՄ ՍՊԸ-ն, սակայն վերջինիս հայտով ներկայացվել է այլ կազմակերպության՝ Ալտերնատիվ գրուպ ՍՊԸ-ի իրական շահառուների վերաբերյալ հայտարարագիրը:

*Ընդունվել է որոշում. կողմ՝ 5, դեմ՝ 0:*

**2. Տվյալներ՝ առաջին տեղը զբաղեցրած մասնակիցների կողմից ներկայացված հայտերի /հայտերում առկա փաստաթղթերի, ինչպես նաև Համակարգում մուտքագրված (լրացված) առաջարկվող ապրանքների ամբողջական նկարագրերի/՝ հրավերով սահմանված պայմաններին համապատասխան կազմված լինելու մասին.**

### **2.1. Մայ Մարկետ ՍՊԸ**

- ներկայացված հայտում առկա էլեկտրոնային աճուրդին մասնակցելու դիմում հայտարարությունը (Հավելված N 1) կազմված է հրավերով սահմանված պայմաններին համապատասխան,

- ներկայացված հայտում առկա իրական շահառուների վերաբերյալ հայտարարագիրը (Հավելված 1.2) կազմված չէ հրավերով սահմանված պայմաններին համապատասխան, մասնավորապես՝

- հրավերով ներկայացված հայտարարագրի լրացման կարգի (այսուհետ՝ Կարգ) 1-ին կետի 2)-րդ ենթակետով սահմանված է, որ ««Հայտարարագիրը ներկայացնող անձը» ենթաբաժնում լրացվում է այն ֆիզիկական անձի տվյալները ով ստորագրում է սույն ընթացակարգի հայտում ներառվող փաստաթղթերը.»:

Մասնակցի հայտով ներկայացված է լիազորագիր, որի հիմքով հայտում ներառված փաստաթղթերը ստորագրված են լիազորված անձի կողմից, սակայն մասնակցի հայտով ներկայացված իրական շահառուների վերաբերյալ հայտարարագրի «1. Կազմակերպությունը» բաժնի «1.2. Հայտարարագիրը ներկայացնող անձը» ենթաբաժնի համապատասխան դաշտերում լրացված են ոչ թե լիազորված անձի, այլ ընկերության տնօրենի տվյալները, ինչը չի համապատասխանում Կարգի նշված ենթակետի պահանջներին,

- Կարգի 5-րդ կետով սահմանված է, որ «Հայտարարագրի 5-րդ բաժինը (Միջանկյալ իրավաբանական անձինք) լրացվում է, եթե հայտարարագիրը ներկայացնող իրավաբանական անձի իրական շահառուն կամ Կազմակերպությունն ամբողջությամբ վերահսկող իրավաբանական անձն ունի անուղղակի մասնակցություն Կազմակերպության կանոնադրական կապիտալում:»

Մասնակցի հայտով ներկայացված իրական շահառուների վերաբերյալ հայտարարագրի «4. Իրական շահառուի տվյալները» բաժնի «4.5. Իրական շահառու հանդիսանալու հիմքերը (բացառությամբ՝ ընդերքօգտագործման ոլորտի հաշվետու կազմակերպությունների)» ենթաբաժնի «4.5.2. Մասնակցության տեսակը» դաշտում կատարված է կանոնադրական կապիտալում անուղղակի մասնակցության առկայության վերաբերյալ նշում, սակայն հայտարարագրի 5-րդ բաժինը լրացված չէ:

- 1-ին չափաբաժնի մասով Համակարգում մուտքագրված (լրացված) առաջարկվող ապրանքի ամբողջական նկարագիրը համապատասխանում է հրավերով սահմանված պայմաններին:

### **2.2. ԱՄՈՒԻ ԳՍՄ ՍՊԸ**

- ներկայացված հայտում առկա էլեկտրոնային աճուրդին մասնակցելու դիմում հայտարարությունը (Հավելված N 1) կազմված չէ հրավերով սահմանված պայմաններին համապատասխան, մասնավորապես՝

- դիմում հայտարարության երրորդ նախադասությունում նշված չէ մասնակցի էլեկտրոնային փոստի հասցեն,

- դիմում հայտարարության 1)-ին կետում նշված չէ մասնակցին փոխկապակցված անձանց «ԴԴ-ԷԱՃԱՊՁԲ-23/05» ծածկագրով ընթացակարգի հրավերով սահմանված մասնակցության իրավունքի պահանջներին բավարարելու վերաբերյալ տեղեկատվությունը,

- դիմում հայտարարությունում բացակայում է հրավերի N 1 հավելվածով (Էլեկտրոնային աճուրդին մասնակցելու դիմում հայտարարություն) նախատեսված 3)-րդ կետը՝ հետևյալ բովանդակությամբ. «3) ապահովված է դիմում-հայտարարությունը ներկայացնելուց հետո էլեկտրոնային աճուրդի համակարգի կողմից տրամադրված եզակի ծածկագրի (PIN կոդը) անվտանգությունն ու գաղտնիությունը և դրա օգտագործմամբ էլեկտրոնային աճուրդի համակարգում ընթացակարգին մասնակցելուց բխող ցանկացած գործողություն կատարվում է համապատասխան լիազորություն ունեցող անձի կողմից:»:

Միաժամանակ դիմում հայտարարությունում նշված չէ մասնակցի կողմից առաջարկվող ապրանքի ամբողջական նկարագիրը համակարգի միջոցով ներկայացվելու վերաբերյալ տեղեկատվությունը:

- 2-րդ չափաբաժնի մասով Համակարգում մուտքագրված (լրացված) առաջարկվող ապրանքի ամբողջական նկարագիրը չի համապատասխանում հրավերով սահմանված պայմաններին, մասնավորապես՝

- հրավերով սահմանված է՝ «Եռագույն դրոշ՝ պատվանդանով.», սակայն առաջարկվող ապրանքի ամբողջական նկարագրում նշված է՝ «Եռագույն դրոշ.»,

- հրավերով սահմանված է՝ «Դրոշի 3 եզրերը պետք է եզրավորված լինեն ոսկեփայլ երիզներով (ծոպերով): Պոչն ու պատվանդանը՝ փայտից, լաքապատ՝ մուգ շագանակագույն, պոչի բարձրությունը՝ 2.2մ-2.4մ, տրամագիծը՝ 28մմ-32մմ, պատվանդանի բարձրությունը՝ 3.5սմ-4.0սմ, տրամագիծը՝ 30սմ-35սմ:», սակայն առաջարկվող ապրանքի ամբողջական նկարագրում բացակայում է վերոնշյալ պարամետրերի վերաբերյալ տեղեկատվությունը,

- առաջարկվող ապրանքի ամբողջական նկարագրում բացակայում է հրավերով սահմանված՝ ապրանքների արտաքին տեսքը նախապես Գնորդի հետ համաձայնեցնելու վերաբերյալ տեղեկատվությունը:

### **2.3. Ն և ՌուՖ ՍՊԸ**

- ներկայացված հայտում առկա էլեկտրոնային աճուրդին մասնակցելու դիմում հայտարարությունը (Հավելված N 1) կազմված է հրավերով սահմանված պայմաններին համապատասխան (դիմում հայտարարության 2)-րդ կետի 3-րդ պարբերությամբ նախատեսված աղյուսակում նշված տեղեկատվությունը գնահատող հանձնաժողովի կողմից չի քննարկվել, քանի որ հրավերով հիշյալ աղյուսակի լրացման պահանջ սահմանված չէ),

- ներկայացված հայտում առկա իրական շահառուների վերաբերյալ հայտարարագիրը (Հավելված N 1.2) կազմված չէ հրավերով սահմանված պայմաններին համապատասխան, մասնավորապես՝ հիշյալ հայտարարագրի «4. Իրական շահառուի տվյալները» բաժնի «4.1. Անձի ինքնությունը հավաստող տվյալները» ենթաբաժնի «4.1.5. Քաղաքացիությունը» դաշտում նշված տեղեկատվությունը անհրաժեշտ է համապատասխանեցնել իրական շահառուի նույնականացման քարտում նշված համապատասխան տեղեկատվությանը,

- 3-րդ չափաբաժնի մասով Համակարգում մուտքագրված (լրացված) առաջարկվող ապրանքի ամբողջական նկարագիրը համապատասխանում է հրավերով սահմանված պայմաններին:

### **2.4. Շուշան Տեխնիկս ՍՊԸ**

- ներկայացված հայտում առկա էլեկտրոնային աճուրդին մասնակցելու դիմում հայտարարությունը (Հավելված N 1) կազմված է հրավերով սահմանված պայմաններին համապատասխան,

- ներկայացված հայտում առկա իրական շահառուների վերաբերյալ հայտարարագիրը (Հավելված N 1.2) կազմված չէ հրավերով սահմանված պայմաններին համապատասխան, մասնավորապես՝

- հայտարարագրում Հավելված N 1.2-ին վերաբերող տեղեկատվության մեջ սխալ է նշված գնման ընթացակարգը՝ «Էլեկտրոնային աճուրդի հրավերի» բառերի փոխարեն նշված է «գնանշման հարցման հրավերի» բառերը.

- հայտարարագրի «1. Կազմակերպությունը» բաժնի «1.1. Կազմակերպության տվյալները» ենթաբաժնի «1.1.5. Գրանցման հասցեն» դաշտում հասցեն լրացված է ոչ ամբողջական,

- 4-րդ չափաբաժնի մասով Համակարգում մուտքագրված (լրացված) առաջարկվող ապրանքի ամբողջական նկարագիրը համապատասխանում է հրավերով սահմանված պայմաններին:

*Ընդունվել է որոշում. կողմ՝ 5, դեմ՝ 0:*

### **Հանձնաժողովը որոշեց.**

- նիստը կասեցնել և հաջորդ նիստը հրավիրել 2023թ. մարտի 01-ին, ժամը 11:30-ին, Դատական դեպարտամենտի կենտրոնական մարմնի վարչական շենքում (հասցե՝ ք. Երևան, Կորյունի 15/1):

*Ընդունվել է որոշում. կողմ՝ 5, դեմ՝ 0:*

### **Հանձնաժողովի քարտուղարին.**

Ղեկավարվելով ՀՀ կառավարության 2017թ. մայիսի 4-ի N 526-Ն որոշմամբ հաստատված «Գնումների գործընթացի կազմակերպման» կարգի 41-րդ կետի, ինչպես նաև «ԴԴ-ԷԱՃԱՊՁԲ-23/05» ծածկագրով գնման ընթացակարգի հրավերի ՄԱՍ I-ի 8.11-րդ կետի պահանջներով՝ Մայ Մարկետ ՍՊԸ-ի, ԱՄՈՒՐ ԳՍՄ ՍՊԸ-ի, Ն և Ռուֆ ՍՊԸ-ի և Շուշան Տեխնիկա ՍՊԸ-ի հայտերում արձանագրված՝ հրավերի պահանջների նկատմամբ անհամապատասխանությունների մասին էլեկտրոնային եղանակով՝ Համակարգի միջոցով ծանուցել հիշյալ մասնակիցներին՝ առաջարկելով մինչև սույն թվականի **փետրվարի 28-ը ներառյալ** Համակարգի միջոցով շտկել արձանագրված անհամապատասխանությունները:

*Ընդունվել է որոշում. կողմ՝ 5, դեմ՝ 0:*

Հանձնաժողովի

Նախագահ՝



Արթուր Ասատրյան

Անդամներ՝



Նորայր Աղամալյան



Տիգրան Չեյնալյան




Անդրանիկ Արգարյան



Կարդան Կարապետյան

Քարտուղար՝



Գայանե Դադիվանյան